

四庫全書

子部

欽定四庫全書

子部

萬姓統譜卷一百四

九十八至一百四

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣嵇承志

謄錄監生臣劉文耀

欽定四庫全書

萬姓統譜卷九十八

明 凌迪知 撰

去聲

十卦

祭

側介切太原徵音周公第五子封祭稱祭伯後因氏

周

祭仲

鄭大夫專權公患之使其壻雍糾殺之雍姬知之謂其母曰父與夫孰親母曰人盡夫也父一

而已惡可比也乃告仲仲殺糾而己惡可比也乃告仲仲殺糾

祭足

字仲足鄭大夫其先為祭封人因以為氏

祭公謀父

周大夫諫伐犬戎

漢祭遵

字弟孫潁陽人恭儉好學從光武征河北有功拜將軍封潁陽侯弟彤為黃門侍郎累太僕居

官三十年衣無兼副顯宗美其清約賜錢百萬

祭彤

字次孫遵從弟早孤以至孝見稱光武初以遵故拜為黃門侍郎為偃師令彤有權略誅破姦

猾數年襄貴政清璽書增秩屢立功於鮮卑烏提復敗匈奴彤為人質直厚重體貌絕衆撫夷狄以恩信既卒遠東人為立祠

祭午

遵兄酒泉太守

祭參

彤子奉車都尉擊車師有功遷遠西太守

明祭節

藍水人洪武間舉俊才授衡府記善

嘉靖中陝西蒲城縣丞祭宗舜保昌人

噲

音快姬姓燕王噲之後今東昌有此姓

周

噲鵠

孝子鶴銜珠與之

漢

噲錢

陳留人

蒯

襄陽商音晉大夫蒯得之後

周

蒯宰

魯襄公二十五年崔杼弑其君賈舉州綽郈師公孫叔封具鐸父襄伊倮埋皆死祝佗父祭於

高唐至復命而死申蒯之宰曰免是反子之義也與之皆死崔氏殺驪茂於淮陰

漢 蒯徹

字通范陽人楚漢時說士有權變武信君嘗用其策降燕趙三十餘城韓信用其計遂定齊地

自序其說號曰雋永凡八十一首

蒯越

字異度南郡人劉表為荊州刺史時寇賊縱橫道路梗塞表單馬入宜城請南郡名士蒯良蒯

越與謀越教其誘宗賊帥而襲之至者五十五人皆斬之而取其衆遂徙治襄陽鎮撫郡縣江

平南悉

晉 蒯欽

楊駿字文長惠帝時為太傅大都督姑之子蒯欽少而相昵直亮不回屢以正言犯駿駿弟楊

玠楊濟為之寒心欽曰楊文長雖聞猶知人之無罪不可妄殺必當疎我我得疎外可以不與俱死不然傾宗覆族其能久乎

蒯恩

字道恩，膽力過人，仕為龍驤將軍，建黃州橫江館，杜牧詩云：孫家兄弟，晉龍驤，馳騁功名業，帝

王畢竟功名，誰是主？
荅磯空屬釣魚郎

南蒯亮

仕南唐，為海州錄事參軍，多與徐鉉往還。亮授代鉉送以詩云：昔年聞有蒯先生，二十年來道

不行，抵掌曾談天下事，折腰猶有俗人情。老還上國風光薄，貧理歸裝酷束輕。遷客臨流重惆悵，晚風黃葉滿都城。

宋蒯鼇

宣城人，少孤貧，乾德中入廬阜讀書，卒業太學，為人廉直，重信義，雖貧窶未嘗謁人，藏龍尾硯

客有欲之者，不忍言而去。鼇察知其意，即馳數舍與之，太平興國中擢進士，歷茶陵令，遷殿中侍御史，尋乞歸廬山，數年卒。

蒯諤

登科

明

蒯正

嘉興人永樂中
將樂縣學訓導

蒯真

郛縣人永
樂舉人

蒯全

壽州人洪熙
中刑部主事

蒯信

南樂人宣德
中太僕寺丞

蒯裕

安豐人宣德中
常州府通判

蒯翊

山西猗氏人天順
中青州府同知

蒯艾

四川人正德中
任蕪湖縣主簿

炆

音桂見姓苑漢城陽吳橫四子避難其一曰炆居華

漢

炆欽

哀帝時師丹上封事下獄博士炆欽上書言丹經行近世無比被貶秩二等

介

見姓苑望出太原

周介之推

晉文公時人從文公出亡及還賞從亡者推不言祿祿亦弗及推曰獻公之子九人唯君

在矣天實置之而二三子以為己功不亦誣乎竊人之財猶謂之盜况貪天之功乎遂與其

母偕隱而死文公求之不獲以綿上為之田曰以志吾過且旌善人

介象

學道得仙

三介登

鬱林太守

明 介壽

湖廣人洪武中
任德慶州知州

介一清

字子澄山西解縣人嘉
靖丙辰進士歷知府

介不易

解州人嘉
靖舉人

拜

見姓苑

宋 拜珣

字文昭渭南人舉茂
才歷官奉訓大夫

元

拜都

順慶人嘗受業於馮伯樂舉
進士累官四川都轉運使

拜降

慶元路治中歲大饑狀累上行省不報拜降曰
民饑如是而不賑之豈為民父母意邪即躬行

詣行省力請得發粟
四萬石民賴全活

拜住

明拜完

建水人嘉靖中
醴陵縣教諭

拜禮

臨安人嘉靖
庚子舉人

直隸山陽縣有拜氏

賣

見姓苑

明賣廷傑

羅城人嘉靖中
福建寧德縣丞

畫

見姓苑

明畫芳

膠州人正德中
宜黃縣知縣

槩見姓苑

明槩仁壽

景泰中秦州舉人

黃

風俗通云與蒯同音臨海有云唐白鶴觀道士黃雲

周

黃晴

孔子弟子

明

黃端

成化間汀州巡檢蔚州人

敗

五代敗崇美

晉守澤州

邁

明邁文麟慈利人正統中

璿與噲同音漢有璿氏

戒見姓苑

欽定四庫全書

萬姓統譜
卷九十八

萬姓統譜卷九十八

欽定四庫全書

萬姓統譜卷九十九

明 凌迪知 撰

去聲

十一隊

戴

譙國徵音宋戴公之後以謚為氏又望出廣陵清河

周

戴不勝

戴盈之

宋大夫見孟子

漢

戴德

字延君兄之子戴聖字次君同受禮於后蒼德刪禮記為八十五篇號大戴禮聖又刪為四十

欽定四庫全書

卷九十九

九篇號小戴禮
德為信都大傳

戴憑

字次仲平輿人習京氏易舉明經徵拜侍中建武中正旦朝賀帝令羣臣能說經者更相難詰

義有弗通輒奪席以益通者憑遂重坐五十餘席故京師語曰解經不窮戴侍中五

戴遵

字子高慎陽人平帝時為侍御史王莽篡位稱病歸里家富好施尚俠食客常三四百人時稱

為關東
大豪

戴良

字叔鸞遵子才既高達而議論尚奇曰我獨步天下誰與為偶舉孝廉不就再辟司空府不至

州郡迫之遂逃入江夏山優游不仕以壽終嫁女惟賢是與不問貴賤五女並賢皆練裳竹筍

木履以
遠之

戴封

字平仲東漢末對賢良策第一拜議郎遷西華令蝗不入界歲旱積薪自焚火起而雨遷中山

相

戴就

字景成仕會稽郡倉曹掾揚州刺史歐陽參奏太守成公浮賦罪遣部從事薛安案倉曹簿領

收就於錢塘縣獄安呼見就謂曰太守罪穢狼籍受命考實君何故以骨肉拒扞就據地答言

太守部符大臣當以死報國卿雖銜命固宜申斷冤毒奈何誣枉忠良強相掠理令臣謗其君

子證其父薛安庸駭恠行無義就考死之日當白於天與羣鬼殺汝於亭中如蒙生全當手刃

相裂安深奇其壯節即解械更與美談表其言辭解釋郡事徵浮還京師免歸鄉里太守劉寵

舉就孝廉光祿主事病卒

戴崇

字子平沛人官至九卿嘗受易於張禹禹受於施讎

戴賓

沛人嘗受易於同郡施讎

戴伯鸞

慎陽人性至孝母卒伯鸞居廬啜粥非禮不行時人稱之

晉戴逵

字安道譙國太學博士學能文善鼓琴工書畫性高潔嘗以禮度自處深以放達為非道著為論太

罕武陵王晞聞其善琴遣人召之逵對使者破琴曰戴安道不能為王門伶人王徽之嘗雪夜

乘舟訪之興盡而返孝武時累徵不就

戴淵

廣陵人有風儀性開爽舉孝廉累轉祭酒出守豫章後死於王敦之難贈右光祿大夫儀同三

司謚曰簡

戴洋

字周流長城人善風角解占候奮威將軍豫州刺史祖逖駐雍邱病篤問術人戴洋洋曰祖豫州

州九月當死初有妖星見於豫州之分歷陽陳訓又謂人曰今年西北大將當死逖亦見星曰

為我矣方平河北而天欲殺我此乃不祐國也俄卒

戴碩

陰有稽人家貧三子延壽延興法興並能修立山

兒敵陳戴三千萬錢

戴法興

碩子好學初為尚書郎令史彭城王於尚書中覓了了令史得法興以為記室宋武即位

以為南臺侍御史兼中書通事舍人甚見親待門外成市

戴邈

字望之洲弟少好學尤精漢史才不逮兄而儒雅過之弱冠舉秀才尋遷太子洗馬出補西陽

內史永嘉中元帝版行邵陵內史丞相軍諮祭
酒出為征南軍司於時凡百草創學校未立邈
上疏請興禮樂帝納焉代劉隗為丹陽尹王敦
作逆加左將軍及敦得志淵遇害邈坐免官敦
誅後拜尚書僕射
卒贈衛將軍謚穆

戴僧靜

子齊武帝永明年間為淮南太守八年巴東王
子響殺僚佐武帝召僧靜使領軍向江陵僧
靜面啟上曰巴東王年少長史司馬捉之太急
恁不思難故耳天子兒過誤殺人有何大罪今
急遣軍西上人情惶懼無所不至
臣不敢奉教上不答而心善之

戴顓

字仲若達子會稽剡縣多名山故世居剡下桐
廬縣又多名山又游於桐廬僻遠難以養疾乃
游吳下吳下士人共為築室聚石植林開澗以
居之顓乃述莊周大旨著逍遙論註禮記中庸

篇三吳將守及郡內衣冠要其同游野澤堪行
便去不為矯介衆論以此多之宋永初元嘉中

徵竝不就

唐戴叔倫

字幼公金壇人能詩賦守撫州刺史作均水
法俗便利之詔書褒美封譙縣男加金紫服

後遷客管經略使綏徠夷落威名
流聞德宗嘗賦中和節詩寵之

戴護

字邦衡婺源人性剛果有武力值黃巢亂後草
竊蜂起護倡義與鄉人團結自守會楊行密以

陶雅鎮歙州汪武鎮婺源雅開護名薦補先鋒
突將都押衙兵馬使已而汪彖余知禮等以次

嘯聚武徽護率所部掩擊之獲戮
其渠魁釋其脅從一鄉晏然尋卒

戴胄

安陽人仕為秦王府參軍遷大理少卿犯顏諫
諍累辨冤獄遷尚書左丞參預政事子至德西

臺侍郎遷右僕射父
子相繼世託其榮

戴休

顏將諭平党項羗以功封咸寧郡王兼朔方節

度副使朱泚反休顏率兵馳奔行在與渾瑊等
扞禦有勞破泚偏師以功加檢校尚書右僕射

卒贈揚州大都督弟休璿封
東陽郡王休晏封城郡公

戴元益

桐廬人五世同居家有紫薇木連
理刺史以聞咸通中詔旌表其門

戴謙

開元初文水令於縣東北鑿甘泉蕩沙靈
長十畝四渠引文谷水轉溉田數千頃

戴簡

長沙人以文行累為連帥所賓禮貢之澤宮而
志不願仕好孔氏書旁及莊老莫不總統嘗有

堂因東城為池環之九里游覽
之勝於是為最柳宗元作記

戴洪正

唐人每得密友書於錫簡號金蘭簿

戴至德

乾封中遷侍郎同三品閔十數年父子繼為宰相高宗為飛帛書賜至德

戴嵩

善畫有藏嵩鬪牛者以錦囊係肘自隨

戴令言

左補闕作兩足狐賦譏楊再思出為長社令

五代戴壽

字伯齡婺源人唐兵馬使虞候護之卒時刺史陶雅表壽代領其衆保鄉井吳順義中累有禦

寇功官至武源左建威指揮第二將卒徐知訓復表其子安為右軍衙前總管充饒州左豹捷

指揮第一都虞侯領兵守饒

戴安

字寧叔在饒甚有威惠南唐保大中以功次積官至銀青光祿大夫檢校國子祭酒監察御史

上柱國卒於饒謚忠恭
士人感德立祠祀之

宋戴興

雍邱人少以勇力聞及長美髭髯眉目如畫事
太宗於藩邸後累官定武軍節度徙夏州行營

都部署討李繼遷興所部深入
千里後知京兆府卒贈太尉

戴融

天聖中知歸安縣未暮大治先是邑人困於茶
賦融乃第戶豐乏而均之以絕追捕之苦又澤

居者不務力穡融教之業農
遂有恒產鄉民立祠祀之

戴國忠

光化人慶歷中進士歐陽修稱其忠信篤於
朋友孝悌孚於宗族禮義達於鄉里終屯田

中郎

戴述

字明仲永嘉人為文操筆立就元符中進士嘗
從程伊川求成己之學仕至臨江太守弟迅亦

以文
學稱

戴之邵

以安福人寓居鹿門山紹興末京西招討吳玠

募忠義千人入西京修葺祖宗諸陵且創置永安軍收復鄭密等州日與敵戰屢勝以兵糧不

繼而
歸

戴溪

字肖望永嘉人淳熙中進士歷官太子詹事進權工部尚書以龍圖閣學士致仕卒謚文端所

著有通鑑筆義將鑑論斷諸書學者稱岷隱先生族子栢亦有學行著東都事略等書

戴慶烜

字彥可永嘉人淳祐進士歷校書正言司諫侍御史累遷同知樞密院事兼參知政事卒

贈特進資政
殿大學士

戴蒙

字養伯永嘉人紹熙庚戌用閣門舍人戴勲牒改名桱應試遂中第調麗水尉以公事與郡將

忤棄官從朱晦菴於武夷再調鳴鶴場運鹽官丁父艱服除自念假塗易名之非復舊名應鄉

舉再試不中曰可以止矣楊守簡敬之薦於朝黃度帥金陵起以寮幕外舅汪遠援例以己澤

改奏俱不就最後御史王穎叔言諸朝詔以初名復官

戴仔

字守鏞蒙子常以孝廉薦有云天分素高年近四十即棄去場屋大肆其力於學密察於義理

之精考質於古今之載詩書易周禮四書下逮史傳皆有傳述迄未嘗一出以自銜安貧委順

也

戴侗

字仲達仔弟登淳祐第由國子簿守台州德祐秘書郎召繼遷軍器少監亦辭疾不起年踰八

十卒有易書四書家
說六書攷內外篇

戴翼

字汝諧三山人紹定中以進士攝南
康事鼎勑城壁兩新縣治政績彰聞

戴挺

嘉熙二年知本州視學初謂廣學混處非所以
尊先聖乃卜學東射圃地建六齋又議陶埴色

砌羅城治於頌條門功未就而去
滿之日行囊朽然有古廉吏風

戴亨

字子元臨海人教人以毋自欺為第一義嘗銘
於座右曰莫見乎隱莫顯乎微欲人不知莫若弗

為自號蠢物有太極圖說
人心道心說近思錄補註

戴敏

字敏才天台人博學強記以詩自適號東華子
平生不肯作舉子業終窮而不悔且死一子方

襁褓中語親友曰吾之病華矣而子甚幼詩遂
無傳乎為之太息語不及他已而卒人咸訝之

嘗賦小園詩詩人玉屑評其俊逸偉麗清拔閒暇四體備矣子式之竟以詩名世云

戴栩

字文子溪族子登嘉定第為太學博士遷秘書郎出知臨江軍改衡州俱不及赴久之起為湖

南安撫司參議官卒相少師水心葉適得其旨要故於明經之外亦高於嘗云

戴式之

名復古以字行篤志古學從林景思徐因子游又登三山陸放翁之門講明詩法自後又

走東吳浙西襄漢北淮南粵凡喬嶽巨浸靈洞珍苑空迥特絕之觀荒怪古僻之蹤靡不登歷凡二十餘年然後歸而詩乃大進真西山稱其句法不減孟浩然繇是遂名天下

戴顏老

字榮之饒州人初名松生而秀骨奇姿比及歲父漁材修試兒故事羅書籍玩具果穀於

席顏老獨拿禮記一帙披撿若讀誦然稍長口授以書日記數千百言七歲能暗誦五經十歲

善屬文思如湧泉王帥幹懋卿試以數題捉筆
輒就懋卿稱實不容口嘉熙元年參政危公嘉
其俊異舉神童科第一後省
中敕賜免解進士年十三卒

戴表元

字率初奉化州人七歲能屬文咸淳中進士
為建寧教授表元學博而才贍尤自秘重不

妄許與以文章大家名重東南元大德間
有以修撰博士二職論薦所著有剡源集

元戴羽

德安人隱居積學徵辟皆不就著武
侯通傳三卷評一卷虞集為之序

戴光遠

嘉興人鎮遠郡縣學校不立光遠乃辟地三
十畝為殿宇學舍四十餘楹置師聚生徒百

五十輩延名儒黃玠主
之自是鎮人始知學

戴焞

字晉翁號瑞山婺源人弟焮字召翁號蒼山炯
字恕翁號絜矩父卒相與廬墓三年朝夕致盥

沃上食如平生既除喪率不廢家藏書萬卷靡
不究觀客過門兄坐弟張拱山立未始以老而
懈嘗著歷代人臣正邪龜鑑二百餘卷世號三戴

戴文壁

字君章沂州琅邪人少負經濟歷仕清要以
廉自勵為兩浙轉運判官嘗分職巡鹽官場

風清弊革課正民安徐一清
陸居仁記其德政以鏡諸石

明戴良

字叔能浦江人學於柳貫黃潛吳萊之門以文
章知名元末應召為江淮儒學提舉後隱四明
山洪武初徵至京師以
老疾固辭卒於寓舍

戴德

字昭人洪武初任湖廣行省參知政事初取武
昌勲績茂著復從克荆常澧衡潭淑寶慶襄陽

及辰州諸郡溪蠻以疾卒於京師詔贈湖
廣等處行中書省右丞護軍追封譙郡伯

戴本昇

澧州人洪武間任兵科給事中後陞廣西右叅議

戴德彛

奉化人洪武二十七年進士授翰林編修尋陞侍講拾遺補闕以直聲震於時改監察御史

益善於其職辛巳年改左拾遺北平之師既迫日夕畫策防禦既而死難

戴璫

字仲才北隅人從吳仲迂遊避居講學國初累薦不起時下定賦稅法浮梁獨重於他邑璫上

章亟言得與他邑均一邑至今賴之所著有東山集

戴綸

高密人洪武間以儀智薦進階侍郎仁宗為太子時好游獵綸以侍讀累諫不聽因具奏太宗

召仁宗謂曰汝平日與誰相得對曰戴綸因出所奏帝銜之及即位因詰其事綸即抗聲辨論

辭益激切上怒被笞死

戴用

洪武間興寧知縣歲旱禱於仰竈俄有石燕集其冠頃之飛去大雨方數十里歲以豐稔

戴鵬

洪武初會稽知縣器度弘深清慎自守時軍駐四明鵬往供饋餉期限嚴急率民步行自哺餓甚從者進餅却不受拘道旁水飲之秩滿民不忍其去脫履以為遺跡

戴同吉

福建人永樂進士宣德初為浙江布政司參議上疏言五事一曰明學校之事二曰嚴邊

境之防三曰慎守令之選四曰敦勸士之興五曰立勸懲之法言甚切至上嘉之

戴守溫

名瑱少孤事母極其孝母病醫者曰得關魚和劑可愈時隆冬守溫解衣入水捕得之服

果愈母沒哀毀過常尋以疾卒貧無以葬邑令袁公道為營塚窆題其墓曰方巖之北唐嶺之

南孝子之風
流千百年

戴希賢

永樂間知河南府禮賢士抑豪強盜賊屏息道不拾遺滿去吏民泣送者塞路

戴泰一

永樂初以隱逸應召知和州以清白稱

戴新

字景壹平度州人永樂初舉進士選入翰林為庶吉士侍仁宗講讀遷主事以坐累謫戍未幾

朝廷特宥復職累官雲南右布政兩征麓川贊督糧儲不乏賜齋甚厚之

戴浩

字彥廣鄞人永樂舉人初判東昌九載遷雷州守州故竝海洶病稼乃築堤以捍民賴有功改州

永州又改羣昌歲饑矯發遠儲三萬七千餘石賑之監司語以法浩曰法固知之如民饑何若

以一人命活千萬人命固將甘之乃上疏自劾朝廷優詔原焉天順元年乞骸骨羣昌民相率

走闕下奏留尋致仕壽九十三而卒浩善吟咏詞翰戲墨多為時所珍有默菴詩藁子櫝教諭

以學行稱孫鰲鯨鰲俱舉進士皆積子也人以為積德之報

戴進

字文進錢塘人畫山水人物翎毛花草兼法諸家當宣德正統間馳名海內宣廟喜繪事一時

待詔有謝廷循倪端石銳李在皆有文進入京衆工妬之一日仁智殿呈畫文進以得意之

筆上進第一幅秋江釣圖一紅祀人垂釣水次畫家惟紅色最難著文進獨得古法入妙宣廟

閱之廷循從旁奏曰此畫甚好但恨鄙野耳宣廟叩之乃曰大紅是品官服色穿此釣魚甚失

大體宣廟額之遂揮去餘幅不復閱

戴珙

字廷璧河南沔池人景泰甲戌進士任御史天順三年按治真定存以忠厚斷獄詳明吏民至

今懷仰歷布政使

戴琥

字廷節舉景泰鄉薦授南京監察御史盜梗江路勢張甚承檄治計平之遂劾罷巡江不職二

重臣且上江道數事皆嘉納復命入陳四事謂官宜久任將宜素練國家財用宜節縮荆襄流

民宜安輯丁內艱服闋復南京巡江設方略捕點盜陞知紹興府首濬范文正公清白泉以勵

僚屬次第新郡邑學宮時命諸生講聖製諸書諭俗又文廟祭樂缺飲射文具據典禮行增祀

鄉賢水旱歲饑奏蠲民上供米嘗奉詔進弭盜安民選將練兵之策而歸本人君之恭儉時以

為名言擢廣西右參政乞歸叔靜定山居以卒歲公性孝友急於義每以古人自待所著太極

圖說編定八陣圖青峯拾稿

戴安仲

字仲莊鄞人耿介有氣節先是里俗治喪多用浮屠安仲獨違衆用小宗法立祠堂以祀

其先凡冠婚喪祭悉本朱子家禮復集羣從子弟延師講學日以耕讀為業行義望於鄉邦郡

守王璉高其名為薦授郡庠訓導秩滿入覲
救賜致仕自號樵園老人所著有歸田集

戴慶祖

溧陽人讀書史諳禮文洪熙初擢太常贊禮郎累官少卿與修太常儀註正統中沒於王

常事贈太鄉

戴綬

世居采石天性峭直磊落有大志早歲試於有司不偶遂棄舉業肆力古作為文數千言立就

家貧奉母以孝聞御史劉泰郡守李郁交薦為河州學正以足疾辭葦采石書院授徒四十餘

年經指授者多所成就

戴賓

江陵人天順甲申進士歷任南京刑部主事員外郎四川僉事復勢要所侵田地千餘頃征白

草寨功陞副使松茂兵備奏設青州守禦所學
治以化戎俗脩葺關橋五百七十餘丈冠帶番

長百餘人使知冠
裳貴賤以憂歸卒

戴弁

字士章浮梁人以教官擢禮科給事中累官廣
西參政時黃蕭養作寇弁卒與賊遇賊舟登岸

據胡牀諭之曰我戴參政也我來撫安爾輩宜
聽吾言賊首環視曰果我公也遂麾衆羅拜密
謀公歸尋令參將武毅通
斬蕭養捷聞陞左布政

戴中

字師中成化二年進士宰黃梅歲旱禱輒應
時虎畫行肆噬告於神虎相噬以死考最召補

內臺偕萬安戴用寧波沃類力持憲體時有一
沃二戴之謠按河南歲值水荒行移賑活百萬
所過老幼德之咸戴香迓呼孝廟
初擢廣東僉事轉憲副卒於官

欽定四庫全書

卷九十九

十三

戴瑞

升從子字廷美登成化進士選翰林庶吉士授吏部主事陞郎中學識通融綽有時譽珉字廷

振登進士授兵部主事陞郎中長於才且以廉著璉字廷獻登進士授大理評事性嚴毅人不

敢干以私皆蚤世惜不得竟厥用

戴珊

字廷珍浮梁人天順進士授監察御史督學南畿以文章占器識士心允服歷刑部尚書改左

都御史恪持風紀中外肅清孝廟眷注老成屢召見諮詢政務多所建明卒贈太子太保謚恭

簡

戴櫟

字育之浩之子浩歸自鞏昌僅存一樓櫟市宅郡城迎二親以養旦夕省候辭色怡婉每出入

扶掖左右歲時資束脩營致甘旨至沒猶孺慕終身語及輒泣下與庶兄析產舉其優者遜之

貢授興化府學訓導以身為教士翁然歸心尋陞連城教諭即自表免就子鰲封既歸足不跡

公府縉紳耆英之會間一赴之里閭過從布衣徒步僅以一僮自隨自少至老無妄語無慢容

日中心澹然寡於嗜慾閉樓危坐終

戴書

字天錫崇陽人弘治壬戌進士授南京大理寺正出補四川僉事歷副都御史巡撫雲南上安

邊疏謂肅州為極邊哈密為盡境哈密土魯與回夷為黨其種類流寓盤據肅州之境不免為

患而罕東左衛赤斤蒙古衛亦與哈密相鄰近年漸多內徙直犯肅州宜遵舊制畫界分境設

衛鑄印制之以息邊患上聽其議

戴澄

字憲清潁州人弘治初任山東東昌推官陞履廉潔獄敏不羣弘治初任山東東昌推官陞

欽定四庫全書

卷九十九

廣東肇慶府通判乃喜曰職之崇卑固不敢望得封父母足矣益勵初節肇人懷之

戴豪

字師文弱冠中鄉試第七連登進士拜兵部武庫主事遷員外郎擢職方郎中武庫主隸役出

納職方主邊務區畫實天下利勢所在居之者恒縻溺焉公獨盡收天下書而讀之公退雖甚疲亦手不釋卷家人以日用告不足輒麾去曰稱貸之無亂吾志其在職方會邊報旁午衆務糾紛公不動聲色而應答如流尋陞廣東右參政時年三十有六而顧與議猶以為誦公至廣東益殫志慮思有以裨獎極困未幾遽以疾卒士林嗟悼之所著有贊言錄若干卷

戴鰲

字時鎮檳長子弘治己未進士初令太和政教修舉盜息民安撫按以才堪治劇薦改令興化

其治一如太和歷陞韶州同知南京刑部員外郎中尋甸府知府尋故夷方百度未舉鰲始興

學造士成城衛民凡倉廩壇壝所以敬神阜民者無不畢舉比歸田里建祠堂以合族治亭館以娛賓不屑屑世俗謀而孝友慈惠人稱長者

戴賢

字時重鄞人積子正德丁丑進士官刑曹督獄見繫囚滯穢令栴沐以蘇癘有方士能言陰事

多驗御相以下迎致恐後獨心知其妖檄召訊之果挾探生術遂寘之法遷四川僉事以忤時宰奪職家居八年復起為河南僉事尋轉江西參議陞副使江西參政復陞山西按察使振飭憲典官僚嚴之有奄賢殺人匿宗室中吏不敢向問賢即收捕付獄聞者悚息歷四川巡撫都御史入蜀革煩苛孜孜以保釐為計所隸諸部雖羊腸鳥道必輕車詣之問民所疾苦故老相傳以為撫臣旌節百年僅一睹見也初賢家居見河渠不飭作鄞人水利三叙見貪人利番舶

關出無忌作海防策其言皆鑿鑿又不為同僚所
吏事而負氣高亢不俯首權貴又不為同事所
懽故動見沮抑
不竟所施云

戴顒

字師觀中浙江鄉試第一登進士第入翰林為
庶吉士拜吏科給事中劾奏光祿卿馮蘭不職
章再上竟降謫蘭武宗議南巡百官伏闕諫且
哭大理少卿吳堂喝令毋哭顒又上章劾之由
是直聲著聞在朝咸憚之未幾卒於
官所著有倦歌集筠牘稿藏於家

戴圭

字秉誠鄞人潛心易學踐履篤實居嘗語人曰
學要謹獨誠意以脩身不怨天尤人久之則
與天一嘗揭諸屋樞曰人中令下渾無我地上
元來都是天張尚書邦奇見而亟稱之圭性謹
厚言動雍然衣冠儼然至時時與親友高會談
道理論當世事竟日不休未嘗出一時俗語至

易叢之日語子乾曰大學語孟首章皆是天命之性聖賢之言一轍也所著有易經大旨四書

要略及要語等說藏於家人稱為野橋先生

戴惠

字君澤邢臺人疎雋明爽與物無忤任平陽訓導值當道遇他師儒不以禮惠曰可以行矣遂

歸郡守張潤身以官驛輕估佐行惠卒不受士論高之

戴經

字孟常嘉興人由舉人正德間任本府推官居官執法清苦自持尤工於詩賦著有潯陽餘稿

歷任六載獨處官署不以家累當道嘉其賢能屢致獎勸陞山東泰安州知州

戴德孺

字子良臨海人正德進士知臨江府從王守仁征寧濠以功陞雲南左布政使

戴冠

字仲鵬信陽州人正德戊辰進士戶部主事言事謫驛丞清修自勵簡靜以居素位而行累無

怨尤歷山東提學副使師事大復何先生有時
名其詩聲調宏邁語意勁挺慷慨激烈有古國

風士

戴時宗

字宗道長泰人正德
甲戌進士歷都御史

戴大賓

字賓仲福建人少穎敏年十二中鄉試自署
曰花揅青頭十二歲名題虎榜第三人又曰

兔入蟾宮舉手即為攀桂客蝶羅
蛛網出身便是採花郎已而果然

戴金

字純甫湖廣漢陽人正德甲戌進士嘉靖初任
撫州推官嘗署篆東鄉痛節浮羨勒獄明允徵

入為御史官
至兵部尚書

戴銑

字寶之婺源人舉進士授給事中正德初逆瑾
擅權銑同六科言聞宦害事顧命大臣不宜罷

去瑾矯旨廷杖落職
嘉靖中贈光祿少卿

戴鰲

字時化，檳子。嘉靖乙未進士，以水部主事治徐州。洪通商利漕而儲粟賑饑，掩骼埋骸，政績章著。

平生仁孝，天至率傾伺父母，幾微而左右之。雖暮夜不廢與人無親疎，輒憫憫見情素而恤災救患，尤所孜孜。上會試，一同舟者得瘍疾，友各散去。鰲獨周旋，其間湯藥飲食靡不盡力。太僕少卿陳侃道塗暴殂，出已貲為治斂事，其應人緩急皆此類也。高才早世，人共惜之。

戴儒

字汝貞，德興人。嘉靖丙戌進士，歷都御史。

戴嘉猷

字獻之，績谿人。嘉靖丙戌進士，歷副使。初知烏程，廉威精敏，端毅剛方，毀淫祠，崇正學，不知

侮，鰥寡不畏強禦。嘗開濬泮池，新倉庾，政化大行。士民仰賴，時歸安有戚賢郡守有萬雲鵬人

咸稱爲三
循吏云

戴璟

字孟光奉化人嘉靖丙戌進士歷通政司參議

戴鯨

字時霖鄞人嘉靖癸未進士歷福建參議治行倬偉不愧名家

戴才

字大需滄州人嘉靖甲辰進士歷南京兵部尚書

戴完

字仲修桐城人嘉靖甲辰進士歷副使

戴章甫

字元禮江西人性穎敏和易家貧得師友力藝鹽苦學十餘年博涉子史文氣豪邁嘉靖

丁酉領鄉薦登辛丑進士授民部主事即此然自樹立恪恭厥職尋給餉邊陲宣府吏士稱之

繼篋太倉出納惟慎絕盜謁搜積蠹倉庾一肅時有役胥爲部尚書所屬意恃弗敬乃謀弗中

章甫報去之屑騰謗部尚書怒因不允告休沐
晨夜逐逐典唱籌文書至廢寢食遂成疾署寢
舊有宦寺牀命從者撤之曰吾得正而斃焉與
家人訣以未能報君父恩為恨言畢而逝銓部
即海鹽鄭曉同年浮梁曹天憲皆哭以文辭有
春藻秋霜白貴黃裳自許齊古人共誓肩綱常
之語人信其
非阿私云

代 古代君為趙襄子所滅以代為氏

周代舉趙人

漢代武尹京兆

宋代淵字仲顏導江人性簡潔事親孝受學李昉張達
年四十舉進士甲科擢清水主簿淵以祿不及

親歸家教授累薦不起以太子中允
致仕著周易旨要等書自號虛一子

代象

康定三年以贊
善大夫知蒙州

明代賢

崖州人正統中
任歐寧縣丞

萬歷間西安衛指揮代陞山後人

內

如對切見姓苑

漢內宜之

謀士

內利唯

見印
數

愛

見姓苑

金愛申

興定五年為兵馬都監定州刺史

愛薛

西域弗林人通西域諸部語工星歷醫樂初事定宗直言敢諫時開

藩邸器之中統四年

年命掌西域星歷聲樂二司事後改廣惠司仍命領之世祖常詔開

大作佛事集教坊妓樂

及儀仗以關江南未開

奏曰高麗新附山東初定此無益之費甚無謂也帝

嘉納之

明愛莫助

廣西融縣人舉人正德中歷永昌府通判

對見姓苑

漢對若芳

急就章

塞

明 直隸保安州有塞氏

賽

見姓苑

明 河南南陽府有賽姓

能

音耐太原商音熊摯之後避難改為能氏又望出華

唐

能延壽

京兆尹

能元結

安祿山小將

宋 能勝之

紹興進士南城人

能迪

登州人
建

能日宣

醫人

能將

撫州人

明

能以文

汝州人
崇德縣丞

能昭

馬平人
永樂舉人

能鏐

南寧人
正德中
始興縣知縣

能照

增城人
正德中
盧龍縣主簿

載

見姓苑

欽定四庫全書

卷九十九

明

載君用

吳邑人父福洪武中因監稅失火法當死君用代人父刑於闔門其妻吳氏守節旌表

佖

奴代切見姓苑

漢

佖母傷

見印數

晉

佖湛

山公集有佖湛

明

佖隆

滁州人永樂中永豐縣丞

佖禮

滁州人永樂中廣信衛千戶

佖文

巫山人弘治貢士任訓導

佖俊

興化人正德中任廣東都司

俾縉字元素嘉靖中廣東都指揮

邶亦作鄩商都也周武王封紂子武庚於邶以國為氏

退見姓苑

背見姓苑

賁音佩見直音

佩見姓苑

兌音兌見直音

瑩音輩見直音

十二震

慎天水徵音戰國滑釐字慎子以字為姓後去從心字以為真

周慎子魯人將軍

慎到韓大夫務刑名之學所撰二十四篇申韓稱之

漢慎祐太尉長史

晉慎修東陽太守

宋慎鉞康定初知建昌軍治尚大體明而不苛威惠並行民咸戴之

慎鏞秘閣校理

慎錡

俱祥符登科

慎伯筠

字東美西安人長於詩嘗貢京師至禮部貢院見棘闌嚴甚曰此非所以待天下士也拂

衣歸嘉祐間有盛名韓琦薦之與林和靖俱至而伯筠留京師一日過壑紆道人傾蓋如舊談

論累日人莫能解自是不飲食亦不作詩矣

慎知禮

信安人父溫其有詞學仕錢俶終元帥府判官知禮年十八獻書從俶歸宋累官鴻臚卿

知興元府以母老懇求歸養退處十年搢紳稱其孝知禮好學自幼至白首歲讀五經周易而

後止

慎從吉

知禮子歷官太子詹事遷給事中權知開封府臨事敏速勤心公家天禧中以光祿卿致

仕從吉喜為詩時有警語子孫登仕者甚衆第進士升朝者數人

明慎宣

大足人成化舉人

嘉靖癸丑進士慎蒙字子正任御史歸安人

蘭

中山商音晉韓厥支孫仕趙食采於蘭以邑為氏又望出華陰

周蘭相如

趙人時趙有良壁秦請易以十五城相如奉璧入秦秦負約相如乃完璧歸趙及秦王與趙王會渑池秦王令趙王鼓瑟相如亦請秦王擊缶秦終不能勝趙以功拜上卿

漢

蘭廣

武陵太守

蘭苞

中郎將

蘭褒

見印

南蘭欽

字休明父子雲以軍功至冀州刺史欽有謀略
北蘭欽勇決善戰進號智武將軍百日再破魏軍威振

鄰國為衡州
刺史有惠政

隋

蘭亮

歙人開皇九年併黟歙入海寧以隸婺州遂廢
歙置新安鎮文帝愛亮為人驍勇命將兵守之

侵尋寢父經煬帝淫虐致大業之亂僻處一隅
此如保障撫輯和洽民不識干戈之苦其植德
於人甚大嘗屯兵於浦口山上
鄉人呼為蘭將軍巖立祠祀之

唐

蘭仁基

并州刺史

宋

蘭中謹

開封人
登科

欽定四庫全書

漢七
卷九十九

三

蘭中行

永靜人
登科

蘭敏脩

龍游人
幼敏悟博通羣書紹興中進士官
至朝奉郎著論語解書解號中山先生

明
蘭從善

磁州人
洪武癸酉科舉人授揚州府學教諭
累官翰林院學士致仕從善資稟凝重問學

老成進講經筵從
容詳雅聞者歎服

蘭選

博興人
洪武初
任兵部左侍郎

蘭芳

夏縣人
洪武中舉孝廉授刑
部員外郎累官工部右侍郎

蘭澤

汝寧人
永樂中
城步縣知縣

蘭琦

字廷璽德平人
成化
辛丑進士歷給事中

蘭澄

陽武人成
化進士

蘭文章

靈石人弘治舉
人大名府通判

蘭益

長安人正德進士初以舉人任邢臺教
諭訓諸生日以身先之由是科目得人

蘭子充

字仲實河南汝陽人嘉
靖甲辰進士歷主事

印

馮翊角音鄭穆公子印之後以王父字為氏

周

印段

字子石鄭大夫鄭伯享趙孟子石
賦蟋蟀趙孟曰善哉保家之士也

印癸

字子
押

漢

印祇

御史
大夫

欽定四庫全書

卷九十九

唐印粲

第登

宋印應雷

從應州人知溫州初州卒作亂詔以處婺州兵

設宴賊來覘者斬之梟首餘黨悉散人咸歎服

溫然稚可親也

印應飛

字德遠調永嘉尉授大鎮江府元兵圍鄂嘗

帥師救鄂解去景定庚申卒贈朝議大夫

印況

舉進士

印肖翁

應雷孫以文學授平江路教授

印述翁
應雷孫以賢良任姑蘇和清書院直學

明
印岳

印大猷
縣知縣脂人冠

印倫
桃源人成化舉人

印璽
永平衛人成化戊子舉人任太和縣知縣

印寶
六合人成化舉人授寶慶府通判歷寶慶府同知進朝列大夫

印崙
六合人嘉靖中任州判

萬厯間四川成都縣知縣印一中桃源人

欽定四庫全書

卷九十九

晉

璚郡徵音又望出平陽三家滅晉靜公遷為家人子
孫因以為氏

周

晉鄙仕魏為將軍守鄭公子
無忌奪其兵以救趙

漢

晉寶

樂安相

晉文經

漢中人不就徵辟

晉馮

京北人好古樂道班固薦於東平王蒼

三晉宗

魏新州守

北南晉興

孫秀部曲督

唐晉灼

著漢書集註十三卷

宋晉隲

紹興初知房州適桑仲蹂踐之餘軍民絕糧隲令軍士開墾至秋大熟倉廩富足凡貧民能為

工匠者令修製軍器農具移州治創州學俾民遣子弟入學免其役稅

晉應祖

嘉定間知州事廉慎有治聲嘗以士之肄業於學者焚膏繼晷費無所出月出公帑錢二

十千給之十餘載間短檠弦誦朗朗不絕人以爲應祖之功

元晉國寶將

明

晉罡

山西人洪武進士

晉昇

趙城人永樂舉人

晉儉

蕪湖人永樂貢士刑部主事

晉恭

任光化縣丞
燕湖人成化中

晉憲

字邦彛崑山人正德進士任工部主事歷郎中

嘉靖

丙辰進士晉應槐山西洪洞人歷文選司郎中太常少卿

信

魏公子信陵君之後

周

信期

肥義友

明

信時

武邑人洪武中遼州判官

信立

當塗人洪熙中武陟縣學訓導

信順

固原人永樂舉人

進見姓苑

漢進延少黃

進儉黃門見後漢書

順見姓苑

明順寧大寧人正統間江西樂安縣丞

順廷訓江夏人嘉靖舉人

嘉靖辛丑進士順境字履常湖廣江夏人

騫見姓苑

周釁夏

魯宗人公子荆之母嬖於哀公將以為夫人使釁夏獻其禮對曰無之公怒曰汝為宗司立夫

人國之大禮焉何故無之對曰周公及武公娶於薛孝惠娶於商自桓以下娶於齊此禮也以妾為夫人則固無其禮也公卒立之以荆為太子國人始惡之

韻

明

韻鰲

清源人永樂庚子舉人

鎮見姓苑

明

鎮海

常山人開縣典史廉愛得民陞知縣去日開人相泣於塗

鎮寧

瀘州人正德中任新野縣丞

萬厯間直隸丹陽縣典史鎮丙戌寧人
湖廣松滋縣有鎮氏

振

見姓苑

宋振

紀承直郎廣
州轉運使

閏

見姓苑

明

河南南陽府有閏氏

舜

河東角音見姓苑

周

舜華

晉賢
大夫

宋

舜俞咨

延祐初嘉
興教授

明舜用禹

慶都人宣德中刺漏博士

脣夏時侯國子孫氏焉

縉縉雲氏黃帝官名子孫因以為氏

儻音俊見直音

俊見姓苑

遴古文各字見纂要

遴音各見直音

脊音甚古文見直音

春
音甚見直音

萬姓統譜卷九十九

欽定四庫全書

萬姓統譜卷一百

明 凌迪知 撰

去聲

十三問

靳 河西徵音

周 靳尚

楚幸臣妬屈子之能與上官大夫共譖毀之

漢

靳彊

汾陽侯

靳歙

以中涓從起宛胸漢祖定元功十八人位次歙第十封信武侯

靳先

范陽令

靳安

靳忠

靳平

見印

唐

靳伯

景龍中為侍御史

靳孝謨

武功大夫

靳常

館陶人吏部郎中

宋靳懷德

博州人祖昌範殿中丞父隱禹城令懷德太平興國中明法累更外任皆著政績嘗為益

州鈐轄軍民甚畏
愛之卒知陝州

靳穎

乾德
登科

靳裁之

穎昌人少聞伊洛程氏之學
胡安國入太學時以師事之

元靳德進

大名人讀書通大義精星歷之學世祖時選
為太史官屬所言休咎輒應時因天象以進

諫多所裨益累官秘書丞掌司天事成宗即位
歷陳世祖進賢納諫帝嘉納之授昭文館大學
士知太史院預議中書政事卒贈
大司徒謚文穆子泰工部侍郎

靳和

曲沃人居鄉喜周貧乏導人以善金貞祐間兵
擾團結鄉人保鄣後仕元知絳陽軍政治公平

子用六歲從張理之學仕為曲沃冀城令累官
僉嶺北湖南廉訪司使以同知晉關路致仕父

子忠蓋士
林稱之

靳守忠

齊州人

明靳義

字原禮淇縣人以太學生任監察御史永樂初出按北京糾治貪墨決疑獄滯訟皆得其情吏

民畏服日惟蔬食毫髮無取於民時皇太子居守北京賜魚米以旌其廉且語左右曰靳義可

謂真御史也未幾陞湖廣按察司副使風紀肅然

靳宣

湯陰人永樂進士

靳睿

邵陽人成化進士

靳頤

滑縣人弘治進士

靳貴

字充道丹徒人弘治己酉鄉試第一庚戌會試第二廷試第三授編修歷少師戶部尚書華蓋

殿大學士贈太傅謚文僊貴素靜重簡默不輕為臧否對客論事恒不盡其辭人或以為過慎此居密勿侃侃正言略無顧忌事關宗社同事有所論諫從吏甚力家居率從簡約作師儉堂以示子孫蓋亦休休有容之大臣也

靳學顏

字子愚曹州人弟學曾俱嘉靖辛丑進士學顏歷都御史學曾按察副使

員

音運平涼宮音本姓劉氏以忠諫比伍員改姓員氏賜名懷遠

晉

員懷遠

官至荊州刺史

北南

員平

安夷人

欽定四庫全書

卷一百

三

員敞

金城人

員倉

唐員半千

全節人羈角通書史舉童子高第高宗時官至弘文館直學士出刺毫隸靳三州以文雅

飭吏事所至禮化大行以清白稱及卒吏民哭野中

員嘉靖

開元中張嘉員薦延嗣等四人皆位清要語曰令君四俊苗呂崔員

員結

貞元龍虎榜中人

員錫

越州刺史

員寓

德宗時殿中侍御史

員安輿

員思

並陵井監人
皇祐進士

員逢辰

華州人
登科

員琦

吳璘
部將

員卓

考遜甲車
征賦一卷

員南圭

紹興
進士

員暘太

員兆先

員良臣

政俱雙流人

員議

鳳翔人洪武中任
舒城知縣有善政

員紀

綿州人宣德中任涇陽教諭勤於教篤於
自守言行足以示法於士類歷禮部郎中

員宗義

咸陽人慷慨有志節事繼母以孝聞敦族睦
鄰輕財向義正統間饑宗義賑救活幾萬人

員恭

字敬夫興國人
正統中任經歷

員賢

咸陽縣人天順中
溧陽縣知縣

員鼎

咸陽人天性豁達孝友成化舉人任山東青州
府通判尋守霍州按宦官罪惡改調又明年宦

徵官誅被命禮
徵固辭不起

員憲樞
字恭甫
治中任知縣
弘治

員盤
崇邑人
弘治
中廣平教諭

員璿
武陵人
正德中
任臨清州判官

員梁
山西安道
人正
德中任縣丞

覲與員同

覲平
前燕金
城人

烜

萬歷間四川長壽縣主簿
烜冲霄沔縣人

奮 高辛氏才子八元伯奮之後

奮揚

楚大夫

亘

亘寬

漢祖時為
廬江郡丞

亘謙

定國
內史

訓 周禮有訓方氏子孫以官為氏

訓濬

柏鄉人宣德中任
袁州府學教授

問

明問智寶應人成化貢士

運見姓苑

唐運期耀字侯光即梁鴻也肅宗徵鴻鴻字侯光即梁鴻也肅宗徵鴻乃變姓隱名於齊魯之間

郡見運切

明郡敬大寧人舉人成化中任餘干縣知縣

郛魯大夫食采於郛子孫氏焉

近見姓苑

茵音郡見直音

汶見姓苑

十四願

萬扶風商音畢萬之後一云芮伯萬之後以字為氏又望出河南

周萬章孟子門人

萬僑

萬延年俱印

漢萬修茂陵人更始時為信都令與太守任光都尉李迎光武拜偏將軍從平河北以功封槐里侯

三萬或寶鼎二年以右丞相出鎮已邱

萬珽

烏程令

南萬安國

代人世為首帥

萬寶常

妙達鍾律偏工八音

唐

萬敬儒

合肥人三世同居親亡廬墓六年大
中間詔表其門閭改所居曰成孝鄉

萬齊融

詩人

萬閨俊

侍御史御

萬楚

詩人

萬璫

龍虎榜中人

萬晏

涇人在唐時以孝悌稱朝廷以數世同居表其門里并復其家

萬齊

性敏學富名振當時與烏程包融會稽賀朝河南荆臣齊名號包萬荆賀

宋萬規

字仁甫樂清人熙豐間試禮部不中謝舉子業閉戶讀書縣始建學令周邠三造其廬請主講

席辭不就郡守石牧之亦移書招之終不往所居海濱有赤水港舊以舟渡覆溺者多規乃竭家貲率邑里買石築堤傲泉之萬安建橋人便之至今名萬橋會詔舉經明行修之士令以規應詔亦不行優游田里以壽終有東平生文集十三卷孫庚登科

萬鎮

字子靜平江人少師事方遲後遊饒雙峯門嘗稱天下讀書伯易第一子靜次之伯易名漢鄱

陽人與子靜為同門友魯仕能亦稱詞翰之上如深山窮谷大江大河言論懇懇極古今事情

非書生常談也賈似道帥荆辟充公安書院山
長不赴登淳祐庚戌第授澧州司戶參軍卒所

著有左傳十辨嘗欲做晦翁
社倉率鄉人建之自為規約

萬諤

字叔康饒州人紹興間知沙縣寬厚有惠愛於
民廣寇犯閩境諤被漕檄督餉事慨然率巡檢

吳鏞尉陳永忠以鄉兵千餘人逆拒之賊遁追
躡踰日履險墮空從舁還治卒民感其忠義為

祠立

萬頊

江州童子十歲紹興中召見記
誦經史子書如流賜文林郎

萬庚

字汝金樂清人善詞賦太學興首中優選紹聖
甲戌上舍擢第授緡雲尉以憂不赴再調全州

教授清湘士子稀少初至郡再增廩給以養士
郡將異其材俾兼攝幕職為文雄深雅健追配

韓柳湖南諸郡碑碣必屬庾撰述秩滿改洪州錄參虞允文入相王十朋自泉南貽書薦之謂

庾為上舍第一今太學上游多在館閣獨庾汨沒乞加職擢足以勸恬退抑浮競虞得書議除

學官名未上卒終從政郎

萬建

四明人開禧初為尉清敏強幹克振厥事盜賊屏息人無欬攘

萬材實

新城人紹定進士

萬文勝

寧國人倜儻有大志累官至福州觀察使總殿前諸軍理宗飛白書忠實二字賜之

萬適

字從之宛邱人自號適玄子喜學問精於老子書不求仕進所著有狂簡集百卷雅書三卷雍

熙詩二百首經籍摛科討論記四千卷後以韓玉薦召為慎縣主簿數日卒

萬鍾

字元享歸安人仕至龍圖閣待制宋亡元世祖三徵終不起

明

萬斌

字文質定遠人沈靜尚志節元季海內擾亂斌仗劍從太祖克滁和真三州授副千戶鎮滁洪

武紀元調永平三年征沙漢大戰於鄆勦散河死於敵長子鍾字榮祿襲副千戶十七年守禦

定海累策軍功二十八年陞寧波衛指揮僉事

三十二年從征花園亦死於敵孫武字世忠繼

鍾僉寧波衛事永樂六年從黔國公征南蠻又

力戰而死文字世學事母至孝十年承兄職十

六年日本寇邊率海艦追斬盜首若干級明年

特禦挑渚忽颶風破舟溺焉一門四世皆死國

事論者

萬孟雅

洪武初汝寧知府廉公威厲吏民畏服奏清天下戶口禁除奸弊時稱其能

萬鵬舉

萬安縣丞廉平勤政時有民婦來訴其夫及五子皆為人謀殺毀滅其屍者鵬舉虔禱於

神一日有五蜂旋繞行幕鵬舉曰汝若真冤宜前飛引蜂徑臨掩骸處得衣帶上所繫賣布數

人名姓推鞫之
遂獲謀殺者

萬觀

字經訓南昌人永樂進士授御史歷嚴州知府政績卓然憂去民上章願服闋補任遷左布政使

萬信

宣德間開封知府守職廉勤夜夢一男子裸身稱寃曰某為祥符民耿羊兒所殺屍埋莊後信

驚寤明日至其家果得屍考驗具服人皆異之在任歲久一夕澡畢燃燭廳事呼酒獨酌召二

子曰強毅可建事功忠孝可通神明我去汝勉為之言訖遂逝是夜巡撫侍郎夢信來辭儀衛

甚盛黎明報信
卒人以為神

萬宣

字邦達當塗人刻志問學為科舉文字滂沛明白以詩經領薦屢會試不第卒業太學謁選吏

部考居第一授河南陳州知州宣存心忠厚而廉以自持與人交款曲有情至涖政剛果有為約束吏胥無敢鵠張羅織病民者河南多攘劫寇宣善廉得之置於法者甚衆四境宴然立四義社學以金帛請賢師教民間子弟州民德之部使者上其績蒙賜誥旌異進階奉直大夫九載秩滿士夫贈牧民

十詠以寓感思意

萬祺

字惟壽南昌人為郡工曹精於星厯正統初祺赴京除鴻臚序班景皇帝不豫有議召襄王者

石亨議問休咎曰皇帝在南宮何俟他求亨悟近英廟復辟曹欽反執尚書王翱學士李賢欲加害祺陳利害力救乃止歷陞太常卿工部尚書太子少保以疾卒於官

萬顯

藤縣人領鄉薦成化間授封川縣訓導才兼文武時有寇擾都御史韓雍檄民兵防禦聲振遠

之
通薦陞知縣晚節益堅政事修舉深得民心董築城垣視如家事盡心區畫民賴保障至今稱

萬琛

字廷器性勇於義領成化丁酉鄉薦除清江令改瑞金適流賊夜突入城殺守卒吏倉卒莫知

所出或勸其引避琛曰不當手刃諸賊以報國思賊擁入縣內被執唾罵不已遂遇害時弘治乙丑正月也事聞詔贈先祿少卿官其子麟為雲南吏目侍讀崔桐為作忠臣傳

萬安

字循吉眉州人正統戊辰進士歷少師吏部尚書大學士贈太傅謚文康子翼天順丁丑進士

歷兵部侍郎

萬鏜

字仕鳴進士歷官吏部尚書

萬雲鵬

字圖南鳳陽人正德甲戌進士嘉靖初為湖州知府性毅行狷法嚴守潔旌善瘁惡精米

有度慨然以興起斯文為己任考德校材藝苑增重歷官都御史以剛直稱

萬潮

字汝信進士歷官都御史

萬廷珪

字欽之四川人舉人正德間任安福知縣為人謹飭惟不稱民牧是懼邑故事每甲首該

役財力必平輸無差等貧民多流亡理立九等法酌量應役至今民便之學宮縣治圯壞撤舊為新為屋三百楹皆邑人樂趨教令捐貲成之拜南京刑部主事

萬鉉

字仕時進士歷知府

萬象

字拱辰餘千人嘉靖癸未進士任員外郎

萬敏

字欽夫南昌人嘉靖戊戌進士歷參議

萬士亨

字思通無錫人嘉靖辛丑進士歷副使弟士和同科官至禮部尚書兼學士

萬宗義

字克方進賢人嘉靖十九年由舉人署鄧州學正甄陶士類諄切懇至惓惓然誨人為善

視一切紛華勢利澹如也時萬冢宰為同宗每當道詢及輒不肯認其剛正類此後陞知盧龍

任數日以直道不合於府推遂浩然歸士林高之曰今之陶靖節也

萬表

字民望號鹿園由寧波衛指揮中武舉以功歷陞南京後府僉書嘗為總戎督餉江淮屢伏屢

起蓋智能之士急於功名之會者本鄞人入仕後居杭州平生喜佛好施尤好以醫藥濟人

嘉靖甲辰進士萬恭字肅卿兵部侍郎

頤子子頤子拜之後楚滅之子孫以國為氏望出魏郡雲陽

周頤弱縱橫士也

頤子牂晉大夫

漢頤子獻為郃陽長

頤肅督郃陽長

頤琦字孝異蒼梧人居母喪獨身立墳歷年乃成手種松柏成行哀毀踰制感物通靈有飛鳧白鵠

棲憲廬側見人輒去見琦而留南齊永明中范雲為州刺史使祭琦及丁密墓

五代 顏全 永安二年
袁州刺史

宋 顏起 元祐進士熙寧中為教授通判泰州嘗過景德寺觀故相富文忠公像合張范祠扁曰三賢堂

與東坡
友善

顏韙 蔡州人
登科

顏金 袁州
司馬

顏煥 承事
郎

明 顏欽 封邱人洪
武舉人

顏謙 長垣人成化舉
人任內鄉知縣

顏質

睢寧人弘治中
萊州府經歷

顏銳

直隸人正
德進士

萬厯間壽州衛經

顏易永安人

獻

晉獻公之後

周

獻則

秦大
夫

建

半姓楚大夫子建之後

漢

建居

元后
傳

建德

趙幽王臣
俱中邨人

建牛吾

見印

蔓楚有闕成倉食采於蔓因氏

周蔓成然

靈王出奔死申亥家乙卯夜棄疾使使船人從江上呼曰靈王至矣江人愈驚又使蔓成然

告如初

遜見姓苑

唐

遜揆為李克用擒罵不絕口克用鋸之揆曰狗奴鋸人當以板束

憲周之憲官司寇之屬也

漢憲義渠

長史

憲邱音

丞相

元

憲德明

大德間任福
州路總管

明

嘉靖中荊州府經歷憲章代州人

艮

見姓苑

漢

艮當

註樂
經

梵

宋

梵禹俞

連江人紹
興進士

漫

漫智

忻州人宣
德舉人

論去聲吐蕃大姓祿東贊之後

唐論惟貞

飛龍
將

論惟明

檢校工部尚書
廊坊節度使

論儻

左衛大
將軍

論惟賢

羽林大
將軍

宋論九齡

華州人
登科

論程

御史

寸

明 嘉靖四川梓潼縣知縣寸居敬浪穹人

曼

見姓苑

巽

見姓苑

撮

音竄見直音

夔

音萬見直音

欽定四庫全書

萬姓統譜
卷一百

十三

萬姓統譜卷一百

欽定四庫全書

萬姓統譜卷一百一

明 凌迪知 撰

去聲

十五翰

段京兆徵音鄭公子少子共叔段之後又望出遼西齊郡

周段規戰國時人韓康子相請致邑以驕知伯

段干木芮城人與卜子夏田子方皆為魏文侯師文侯過其閭必式

段產謂新城君曰夫有行者能無為奸而不能令狗無吠已今臣處郎中能無議君於王而不能使

人毋議臣於君
願君察之也

漢段熲

字紀明姑臧人少便習弓馬尚游俠輕財長乃折節好古學舉孝廉為司隸校尉與皇甫規張

奐並顯
名於時

段會宗

字子松上邽人好大節竟寧中以杜陵令舉為西域都護騎都尉西域諸羗伏其威信後

遣入烏孫安輯其國賜爵關內侯
未幾以疾卒諸羗為發喪立祠焉

段翳

字元章後漢人習易經明風角時有就其學者雖未至預必知其姓名嘗告守津吏曰某日當

有諸生二人荷擔問翳舍處者幸為告之後竟如其言又有一生來學積年自謂略究要術辭歸鄉里翳為合膏藥并以簡書封於筒中告生曰有急發視之生到葭萌與吏爭渡津吏撾破

從者頭生開筒得書言到葭萌與吏鬪頭破者
以此膏裹之生用其言創者即愈生歎服乃還

卒業翳遂隱居
竄跡卒於家

晉段榮

姑臧人祖信以豪族徙家五原郡榮好歷術專
意星象後魏正光中謂人曰吾今觀玄象察人
事不及十年當有亂矣及齊神武起兵榮贊成
之論功封姑臧縣侯歷相濟參三州所至百姓
之愛

段韶

榮子有將領才畧以武明皇后甥齊神武益器
愛之韶襲父爵事神武文襄加廣平郡公出總
軍旅入參帷幄功高望重又教訓子弟閭門
雍睦事後母以孝聞齊代勲貴罕有及者

段匹

石持節見石季龍曰吾受國恩志在滅汝不幸

至此不能為汝敬及見
勒又不為禮卒遇害

段進

塞不知何許人太武初為白道守將蠕蠕大擅入
塞圍之力屈被執進抗聲大罵遂為賊所殺帝

追愍之贈安北
將軍諡曰壯

段承根

為涼九世孫機辨有文思崔浩奇之以
為涼土文華才堪注述請為著作郎

段灼

字休然燉煌人世為西土著姓果直有才
辨從鄧艾破蜀有功封關內侯累遷議郎

隋
段文振

北海人祖壽魏滄州刺史父威周洮州刺史
文振膽智過人明達世務初仕周以戰功拜

柱國入隋封龍岡縣公從伐陳以功累遷光祿
大夫伐遼東卒於軍贈右僕射諡曰襄子銓位

武牙將弟文操
為武賁郎將

段達

始臧人在周三歲襲爵及長身長八尺美鬚髯便弓馬高祖為丞相以為大都督即位以功授

上議同

段文操

文振之弟大業中為虎賁郎將性剛嚴帝令督秘書省學士時學士頗存儒雅文操執鞭

撻之前後或至千數時議譏之

唐段志玄

臨淄人資質偉岸以驍果從太宗破竇建德平東都累官右驍衛將軍嘗奉命勒兵衛章

武門太宗夜遣使至志玄拒曰軍門不夜開使者示以手詔曰夜不能辨不納太宗歎曰真將

軍封褒國公卒謚壯肅

段文昌

字景初志玄三世孫任節義不為齷齪小行累官翰林學士中書侍郎出帥西蜀羣蠻震

服入拜御史大夫從帥荆南民有旱不苦雨
不愁之語子成式博學強記著酉陽雜俎

段成式

字柯古文昌子以蔭為校書郎博學強記多奇篇秘書籍終太常少卿著酉陽雜俎數十篇

子安節乾寧中為國子司業善樂律能自度曲

段秀實

字成功汧陽人幼號孝童及長舉明經不果從高仙芝等征討有功累拜四鎮涇原節度

使朱泚反秀實執泚腕唾罵以笏擊之血流被面遂遇害後贈太尉子伯倫官至太僕卿

段佐

亦以勇敢知名少事汾陽王子儀為牙將從征邊朔績効居多貞元末為涇原節度使練卒保

邊亦為西蕃畏憚累至檢校工部尚書右神策大將軍元和五年卒

段平仲

武威人擢進士第為監察御史有氣節嗜酒敢言德宗春秋高躬自聽斷平仲對及由是

坐廢元和初為諫議大夫再遷尚書左丞朝廷有得失未嘗不論奏

段洪古

安鄉人剛峭寡合不事產業人或交之度非義即去以故五十不能祿後卒於桂之逆旅

歸葬黃山柳宗元為誌其墓并祭之以文

五代段希堯

河內人晉高祖為河東節度時以希堯為判官高祖屯忻州軍中有擁呼萬歲者希堯勸

斬之高祖立遷諫議大夫累官禮部尚書

段思平

晉天福間以通海節度使廢楊子貞自立為南詔國號大理子孫傳至興智元憲宗時收

附授金牌虎符

段翊陽

東昌人南唐天成初任永新令官滿家邑之郵孫昭王昭勝宋乾德間代為永新鎮使開寶

初入觀昭王加銀青榮祿大夫昭勝加金紫光祿大夫

宋段少連

字希逸開封人倜儻有識度舉服勤詞學知崇陽縣累遷龍圖閣直學士知涇州通敏有

才決事如流不為權勢所屈及卒仁宗悼惜之

段思恭

眉山人乾德間全師雄之黨攻眉州思恭募先登者許以厚賞賊遂敗思恭矯詔出上供

錢帛給之其後度支劾思恭太祖嘉其果幹不許命知州事

段全

泉州人咸平中為仙游尉多學能文以興學校為首務作孔子廟扶植風教作興士類邑人慕之

段鵬

宋知興化軍舊染之俗為之一新隣郡之民望風嚮化

段鵠

字正己師事廬陵陳鶚為文章博通經理辭事有據不為浮濫後登進士第為向敏中所知官

至大理寺

金段鐸

稷山人正隆初與族人段仲珪同登進士人號其里曰雙桂鐸累官中奉大夫華州防禦使護

軍後以功封武威郡開國侯

元

段成珪

鎮江路總管有德惠及民代去郡民立碑頌德

段文瑞

河間人讀書奉母盡孝母沒哀痛踰禮以手履地行一里外負土營墳百五十日遂成元

表其門授本路學正官至臨安路總管

段天祐

字吉甫汴人幼穎異五歲知讀書能屬句年弱冠已有成人之望鄧文肅公文源僉憲浙

西欲辟為書吏見其所賦詠梅百韻歎賞曰子館閣才也吾敢吏子邪登泰定甲子進士第授靜海縣丞後擢國子助教遷應奉翰林文字除浙江儒學提學未任而卒天祐學瞻氣昌為文追古作者而尤工於詩歌黃文獻公潛實稱其夸而不浮質而不俚其擬作元白歌行韓孟聯句置之古集中未易辨也所著有庸音集學文齋遇抄紺珠雙南金藥玉等集藏於家

明段嗣輝

洪武中知金華府性廉介多惠政卒之日民共悼之

段民

字時舉武進人永樂進士選入翰林為庶吉士除刑部主事預修五經四書性理大全陞郎中

宣德初陞南京戶部侍郎轉刑部廉介為時所稱

段信

三原人正統初進士歷任監察御史尋陞右僉都御史卒於官為人端謹物論惜之

段復禮

平陽人正統進士

段堅

字可久蘭州人景泰進士知福山縣以德化民風丕變歷萊州南陽二府知府倡鳴道學日

與諸生講解崇敦節義敬禮賢才二郡戴之如父母其敬畏之至若家至而戶監焉

段鑑

上元人景泰初守惠州永蘄自持家法尤整遺其子就學與諸生齒凡所規度後皆可式

段敏

字惟勤金壇人成化進士知新城廬陵有異政歷浙江參議時峒賊猖獗敏調發餽運區畫戰

守賊平陞副使居官清勤蒞事勤恕教歷中外幾三十年家無中人之產能詩有南洲集行於世

段永

字仕悠餘干人宣德中以進士教授光澤好古守禮條教嚴明人推敬之

段炅

字德光蘭洲人弘治乙丑進士歷翰林檢討

段汝礪

字良臣陽曲人正德辛巳進士歷副使

段麒

字子仁龍虎衛人嘉靖丙戌進士歷順天府尹

段錦

字美中恩縣人嘉靖丁未進士歷參政

段鍊

字文純固安人嘉靖辛丑進士歷知府

段勲

字文貴固安人嘉靖甲辰進士歷御史

灌

古諸侯斟灌氏之後子孫氏焉望出睢陽

漢

灌嬰

睢陽人嘗以販繒為業從高帝定天下封潁陰侯後與周勃平諸呂共立文帝以功進太尉右

丞相卒諡
曰懿侯

灌孟

姓潁陰人從灌嬰為舍人故蒙灌

灌夫

字仲孺孟子因父死奮曰願取吳王若將軍頭

以報父仇遂披甲持戟而往大破吳軍以此名

灌賢

武帝時封
臨汝侯

三灌均

明 萬歷間江陵縣主簿灌謙南海人

貫

上谷商音又望出西河

周 貫珠

貫公

趙人從賈誼投春秋左傳為河間獻王博士子長卿即從毛公授詩仕為湯陰令

漢 貫高

為趙相時張敖為趙王漢祖不過趙倨慢高潛有異謀趙王不聽後高能明王不反自絕吭死

貫友

永元四年為西羌校尉

貫廣

見印

元 貫酸齋

功臣阿爾哈雅之孫名蘇爾約蘇哈雅生而神彩秀異膂力絕人及長折節讀書吐辭為文

出人意表仕為翰林侍讀學士稱疾辭還江南賣藥錢塘市中詭姓名易服色人無有識之者

自號酸齋

明貫元凱

臨武人洪武三年任橫州知州

貫義

扶風人嘉靖中保定指揮使

嘉靖中四川井研知縣貫道廣西興平人隆慶中西岢風州吏目貫晉定陶縣人

漢東莞羽音漢之子孫以國為氏

五代漢倫

深州刺史

宋

漢宗堯

循州人淳祐進士

明漢邦傑

湖廣道州人正德中雲南五鹽井提舉

漢德

金縣人國子生不就仕絕跡名利孤清高潔士大夫重之

漢鑾

日照人嘉靖中
任邵武府檢校

曜

漢

曜唯

見印
數

爨

晉昌角音華陽國志云昌寧大姓有爨習

漢

爨肅

河南尹見
後漢書

三

國爨琛

交州
刺史

爨亮

梁州
刺史

爨深

興古郡人仕為本郡太守今南寧縣
南十餘里有興古太守爨府君碑

南燮龍顏同樂縣人仕宋累官龍驤將軍鎮蠻校尉寧州刺史封邛都縣侯有碑在故納河縣西三

十里

燮雲

建寧郡人仕魏累官驃騎大將軍開府儀同三司南寧州刺史封同樂郡侯有碑在陸涼州南

三十里

唐燮歸王

南寧州西燮白蠻也貞觀中以為南寧都督

燮顏

寧州刺史

燮習

官至領軍

明

燮勲

雲南人正德中湖廣郴州判官

幹見姓苑

宋幹道冲

靈武人其先從夏主遷興州世掌夏國史道冲通五經為蕃漢教授譯論語註別作解義

二十卷又作周易卜筮斷以其國字書之行於國中後官至其國中書宰相

幹成昂

端拱初知建寧軍州事

元幹勒忠

蓋州人習女真契丹字大定中為監察御史厯滄滕州刺史入為同僉樞密院事承安初

以武寧軍節度致仕忠信敦懇通法律以直自守不交權貴故時譽歸之

冠

音去聲見姓苑

漢冠王

列仙傳

冠先
列仙傳

炭
西京雜記長安有炭姓

漢
炭蚪
長安人

翰
見姓苑

周
翰胡
曹大夫

勸

唐
勸龍晟
南詔王

奐
見姓苑

明 吳忠

舉歸州人永樂
州人任知州

吳才

中歸州人永樂
州人任訓導

吳復

中歸州人永樂
州人任知縣

吳禮

人汝州人正統中由舉
人任奉新縣知縣

吳進

任武陵人景泰丙子舉人
四川筠連縣知縣

吳信

舉武陵人景泰
人任教授

按 見姓苑

元 按攤

海北海南宣慰使海康與安南占城諸夷接壤
海島生黎叛服不常按攤威望素著夷人帖服

生黎王高等二十
餘洞皆願輸貢稅

鄭

明鄭良鉞
吉州人正統中湖廣咸寧縣訓導

暗
見姓苑

元暗伯
唐兀人弱冠入宿衛性嚴重剛果有大志

犴
音岸

南犴反
見梁王傳雖陽人

駢
音汗見姓苑

周
駢臂孔子弟子

汗

周
汗明楚客

杆

漢
杆勝執識侯

贊
見姓苑今開封有之

看
見姓苑

旦
見姓苑

歎
見姓苑

璫
見姓苑

粲
見姓苑

嫠
見姓苑

翫
見姓苑

半
見姓苑

筭
見姓苑

竿
見姓苑

燃音貝切見纂要今同州有此姓

殷音段見直音

萬姓統譜卷一百一

欽定四庫全書

萬姓統譜卷一百二

明凌迪知撰

去聲

十六諫

晏齊國宮音齊公族之後

周晏嬰字平仲萊之夷維人相齊景公食不重肉妾不衣帛一狐裘三十年盡忠補過名顯諸侯

晏萊齊大夫

漢晏稱司隸校尉

晉 晏謨

臨淄人晏嬰之後善屬文南燕慕容德召謨問以臨淄故事謨應對辨博慕容德嘆賞之撰齊

記三卷

行於世

南 北 晏漢

南燕人

五代 晏球

指揮使

宋 晏殊

字同叔臨川人七歲善屬文真宗召見與進士並試援筆立成賜同進士出身為館職仁宗時

為相善知人范仲淹孔道輔歐陽修皆出其門富弼楊察皆其壻卒謚曰獻有文集二百四十卷又

有類要二府

集臨川集

晏敦復

字景初殊曾孫少學于程頤第進士官至吏部尚書泰檜入相敦復獨有憂色曰奸人相

矣後以寶文閣學士知衢州卒敦復立朝論
事無所避高宗嘗曰卿可謂無忝爾祖矣

晏知止

殊之子鳳
閣舍人

晏叔卿

殊姪孫皇
祐進士

晏叔原

號小山有樂府行于世山谷為序如舞低楊
柳樓心月歌罷桃花扇底風等句流麗為世

所稱

晏元獻

幼能屬文李虛已知
濮州奇之許妻以女

晏紹休

紹興
進士

晏大烈

紹定進士永
州錄事叅軍

明晏璧

字彥文廬陵人永樂間為徐州判官有文名尋遷山東按察司僉事所著有史鉞行于世

晏文銘

江西人永樂進士

晏若川

新喻人正統中任廉州府同知

晏文顯

四川人景泰進士

晏輒

四川人成化進士

晏鏡

上高人成化間知寧鄉縣家給以小榜教民孝親敬長婚喪以時力効古靈之風鋤強去凶賑

饑修廢為

時能吏

晏晃

上高人弘治舉人

晏珠

字朝用四川內江人正德辛未進士知瀟山以清苦自厲布衣糲食自處如寒士真誠質實不

事華靡不為修飾盡心民事民感戴之雖閨婦牧子皆曰清官晏老云三年以母憂去後薦陞

戶部
主事

嘉靖乙丑進士晏士翹江西清江人任御史歷知府

宦

東陽商音

明

宦績

字熙東江陰人永樂甲申進士

諫

徽郡徵音周禮有司諫氏因以為氏

漢

諫忠

侍書
御史

盼

見姓苑

周

盼子

齊威王使盼子守高唐趙人不敢東漁于河

患

見姓苑

鴈

見姓苑

偃

音晏見直音

十七霰

卞

濟陽羽音曹叔振鐸之後食米于卞因氏

周

卞

口楚人嘗游于荆山得玉璞獻之厲王以為詐刖其左足武王即位又獻之又以為詐刖其右足

及文王即位乃抱璞泣王使人問之曰臣非悲
則寶玉而題之以石真士而名之以詐所以悲
也王使玉人琢之果得玉焉遂
名曰和氏之璞封零陵侯不就

卞莊子

邑大夫
有勇力

漢

卞崇

婁縣人桓帝時太守薛固為法吏所枉下廷尉
崇與烏程錢讓詣闕稱冤廷尉囚崇等以兵圍

守苦毒持之崇讓恬然自若枉聲
彌厲天子聞而奇之乃赦固罪

晉

卞壺

字望之宛句人父玄仁為中書令兄弟六人並
登台輔壺弱冠有名譽官至尚書令與庾亮同

心輔政及蘇峻犯順壺扶疾與戰不克而死二
子瞻盱相隨赴賊同時見害峻平追贈侍中諡

曰忠貞二

子皆贈官

欽定四庫全書

漢書卷一百二

卞湛

驃騎將軍

卞誠之

光祿勳

卞粹

字玄仁濟陰宛句人琅邪內史統之子博學有懿行惠帝初為尚書郎楊駿執政人多附會而

粹正直不阿及駿誅超拜右丞封成陽子稍遷至右軍將張華之誅粹以華壻免官齊王冏輔政為侍中中書令進爵為公及長沙王義專權粹立朝正色義忌而害之粹兄弟六人並登台

輔世稱卞氏六龍玄仁無雙

卞浚

宛句人清真有檢識鄉人卻詵恃才傲浚其故吏被繫浚時為尚書郎按其獄詵懼不免浚平

心斷決之歷位汝南相廷尉卿

卞敦

字仲仁浚之子弱冠仕州郡辟司空府遷尚書郎元帝以為軍諮祭酒不就征南將軍山簡以

為司馬時王如杜曾相繼為亂簡使敦監河北七郡軍事攻討汚中皆平既而杜弢寇湘中加敦征討大都督伐弢有功賜爵安陵亭侯石勒侵逼淮敦力不能支淮北陷以畏侯賤扶明帝討王敦更拜尚書以功封益陽侯蘇峻反坐阻軍顧望為陶侃所劾卒諡曰敬

卞範之

丹陽令

卞裕

始興太守

卞延之

南宛句人弱冠為上虞令有剛氣會稽太守孟凱以長官凌之延之積不能容脫幘投地曰

我所以屈卿者正為此幘耳今已投之卿矣卿以一世勲門而傲天下國士拂衣而去

卞華

字昭岳，壺六世孫。博涉有機辯，說經析理為當時之冠。仕梁，官至尚書儀曹郎。

卞誠

字寬，句人。

卞彬

字士蔚，宋上虞令延之子。俊拔有才，而與物多忤，擯廢數年不得仕進。乃為枯魚賦以喻意。建武間，為諸暨令，後為南康郡丞。彬頗滿酒，擯棄形骸，仕既不遂，乃著蚤蟲蝸蟲蝦蟆等賦傳於閭巷。人謂其有所指斥云。

五代卞震

成都人，蜀舉進士，為渝州判官。蜀平，仍舊職會賊杜承襲圍城，震躬率士卒且戰且拒，與刺史陳文襲夾攻之，賊遂平。仕終號州錄事參軍。子京舉宋進士。

宋

卞襄

字鹽鐵，副使。

卞大亨

字嘉甫先泰州人初由鄉舉入太學升舍有聲靖康中攜二子走行在丞相范宗行以遺

逸薦後特恩調懷寧簿未幾隱居象山手植萬松于徑行吟其間自號松隱居士好讀左氏傳及遷固諸史為詩歌擬杜少陵素習養生精醫卜之書著松隱集二十卷尚書類數二十卷改註杜詩三十卷傳信方一百卷子園登梁克家榜進士授揚州倅人稱卞夫子

卞圜

字子東象山人性穎異於書無所不讀入太學蜚騰英譽人號卞夫子登紹興三十年進士第授揚州倅著論語大意二十卷行於世

卞衮

震子字垂象登進士咸平初歷遷監察御史為淮南轉運副使以幹職聞再為發運使衮明敏有吏幹累掌財賦清心治局號為稱職然性慘毒培克嚴峻專事捶楚至有大蟲之號

卞琛

大名人世為農夫早游學京師得補國子生既而丁母憂治農于家至正間鄰郡盜起未幾來

剽掠琛家執琛曰汝從我解汝縛不從琛唾罵曰我國子生也視汝逆賊真狗彘也吾寧義死

不從賊生罵不止賊屢脅不聽殺之

本

卞禮

洪武中定興知縣為政公平撫民有方凡廨舍壇場學校皆所建置

卞榮

字華伯江陰人正統乙丑進士歷官戶部郎中能為歌古詩邸舍卷冊填委公退批筆頃刻輒

數十篇文章汪洋亭蓄隱然名動吳越間榮性曠達逍遙徜徉殆三十年以老疾卒

卞同

漢陰人景泰中知東安鰥介不阿蒞事勤敏學宮舊在城外士稱不利同主議力徙之任勞不

懈自茲文教聿興厥功甚鉅立碑記績至今不泯

卞謙

字信卿嘉善人正德進士授廣信府推官為人機警決獄精當雖老吏不逮嘗經鉛山嶺道有

臥屍忽夜夢一人謂傭者為主所殺密訪其人得之遂服辜府稱神明

卞錫

字叔孝嘉善人嘉靖丙辰進士歷官吏部員外郎

萬曆丙子舉人卞孔時江津人

練

河內徵音今建安多此姓

唐練何

河內人本東姓貞觀中為總管府錄事參軍從李勣伐高麗獻火攻策焚南蘇羅城遂破之以

精練軍戎之故賜

姓練封岐山侯

宋練亨甫

字葆光句容人始生之夕其父夢游大澤得圓石上有字云一七聰二七悟聲名滿天下

覺而驚異既生父甚奇之五歲侍伯父出游精舍亨甫以手搔頭伯父戲之曰猴悲摸捺頭亨甫應聲曰虎怒縱橫步七歲屬文十四歲入京師以所業就正王安石奇之呼為小友引為白衣檢討繼薦上殿稱旨熙寧六年決取進士科調泗州推官遷太學正官除崇文殿校書嘗從高遵裕西征途中題詩因謫郴州監稅未幾召為史館編修

練忠

延平人為旌德令政務簡易興學獎士邑子弟如汪渢呂鏜皆其造就忠雅有清操人飲酒清者皆曰此練長官酒也其見稱評如此

練定

字公權嘉祐八年擢進士第初調和州烏江尉再除福建司理時呂惠卿居喪溫陵聞定名還朝薦之為流內銓主簿以外艱歸紹聖初呂惠卿知大名奏掌機宜文字召對論事以尊主彊

國為先不合時宰意通判信州久之召為將作
監丞除湖南轉運判官崇寧間提點本路刑獄
移廣南路諸子不欲踰嶠勉以丐祠定正色曰
臣事君猶子事父也父召無宿諾君命召不俟
駕詎可擇地為去就哉即日就道官至
朝請大夫有青丘集二十卷行於世

練繪

字質夫浦城人少同楊時游程頤之門甚器之
登大觀三年進士浮沉州縣不以軒冕為榮而
以名教為樂
官至奉議郎

練幹譽

字克家為考城令時督辦軍賦甚急幹譽堅
以民力匱竭為請中官或以私囑者率寘於

法初與王徽善及當國未嘗一造
其門遂奉祠子棗通直郎以廉稱

練來

字彥本建安人幹譽子累試禮部不利閉門
著書有大易發微二禮釋疑采野遺民集

練山甫

字補之浦城人年十五能挽強弓補國子生後補武學因論弓箭法忤神宗罷歸有旨還

本舍後於徐銜榜登第調涇源路總管司教閱官以功累官武德大夫

練逢

字彥默授撫州司戶改劍浦令再調本州推官用薦改秩卒楊時銘其墓云孝尊于親學傳于

人政得于民吁嗟乎君未聞而終于幕賓百世而下有煥斯文

練表鵬

字幹譽之子字彥木以著書自娛有大易發微等書

練素

崇寧進士

練文

歸安人開禧進士

明練塤

字聲伯長洲人洪武中以文學膺聘授左春坊司直郎嘗劾大臣不法事特賜錦衣一襲改御

史以氣節自負僚寀憚之

練僖

字伯尚元末領鄉薦隱居不仕以文章氣節重于時洪武間召為起居注以直言忤旨謫廣德

州同知後遷臨江鎮安二府通判以疾卒

練子寧

名安以字行江西新淦人性資豪放志操不凡從鄉長者竹庄先生游命賦水竹村居有

千山暮雨石泉通一夜春雷聲蟄龍之句甚奇之後游邑庠與金幼孜相友善嘗謂之曰子異日必為良臣我當為忠臣洪武乙丑會試第一進士第二授修撰累官吏部侍郎改御史大夫北平師起子寧疏曹國公李景隆觀望不忠願斬以釁鼓又憤急請先伏誅皆不聽會衡府紀善周是修清江直史蕭用道上書指斥用事者誤國用事者怒詬二人子寧曰國事至此尚不

能用言者乎詒者愧而止文皇即位縛子寧至語不遜斷其舌曰吾欲效周公輔成王子寧手探舌血大書地上成王安在遂族其家姻戚逮戍者百五十一人越數年吉水錢習禮以未及逮為鄉人所持楊文敏乘間以聞文皇帝欣然曰使練子寧尚在朕固當用之況習禮乎萬厯改元敕祠本郡

練惠

字澤民浦城人永樂舉人仕河南開封府通判

練綱

字孫字從道宣德舉人授御史以直言左遷邠州判官憂去卒綱侃直攻訐太甚時有練綱口

號之

練盜

德興人正德中任高明縣學訓導和而不苟講學忘倦士多化之

練英

浦城人正德中任訓導

戰

見姓苑

漢

戰競

諫議大夫

戰惠

見印藪

五代

戰貽慶

登進士第

宋

戰仲恭

司法叅軍

明

戰慎

祁縣人洪武初揚州府知府

戰正

字德義高密人父恩沒于大寧正親抵大寧取父骨至則遍訪弗獲仰天號泣忽一老人備告

正求之果得遂破中指出血滲骨乃收以
歸後中鄉舉未仕而卒姪翽亦以孝聞

戰睿

膠州人宣德中
太原府通判

戰翽

字騰霄正之姪初為邑庠生父復敬卒翽廬墓
三年舉鄉薦母李氏亦卒廬墓如初後仕訓導

教人以孝友忠義為本上疏論杜宦官之
禍上納之及罷官歸教授生徒八百人

萬厯中南京戶部司務戰符蘄州人

繇

音戀見姓苑

漢

繇秘

南郡
太守

賤

音薦見風俗通

漢賤瓊 右北平太守

賤虞 曲阜人

院 見姓苑

宋院亨謙 古田人元祐間知德化縣

院勤 福寧人文林郎建寧令

明院賓 字君聘山西振武衛人弘治進士歷官叅議

彥 見姓苑

宋彥茗 淳熙登科

彥必先

以宣教郎
知宜州

彥端

都陽人紹
興進士

彥九淵

潮州
刺史

線

見姓苑

元線榮

字子華大德間為縣之尹時永安寺僧搆豪勢
壓鄉民榮在任纖毫無預每挫辱之一日江浙
省平章伊蘇岱爾因獵至其寺僧譖之遂使辱
榮榮抗辭以對容氣儼如左右皆懾由是名重

於時稱其剛
介有古風焉

明線雍

日照人洪武中
分水縣知縣

嘉靖中陝西甘肅副總兵線補衮山東人

汴

見姓苑

宋

汴燾

明州同知

弁

明

弁志中

長寧人嘉靖元年監利縣訓導

辨

漢

辨武

淮南名士

唐

辨機

婺人尚高陽公主

硯見姓苑

元硯彌堅

德安應城人元初大將狗漢上招致而北因家真定著儒籍以教授為業已而被薦召為

真定教授循循為教始終不倦至大中初置國子監召拜國子司業律身嚴以有禮屢以陽城忠孝之說訓迪諸生由是化服者衆歲餘以疾辭歸堅問學淳正文章質實為人清苦嚴重士論推服

金釧

明

萬厯間撫州照磨釧國賢閩中人
萬厯間貴陽縣丞釧佩雲南人

膳

掌膳羞之官子孫氏焉

見

見姓苑

變

見姓苑

薦

見姓苑

倩

見姓苑

扇

見姓苑

羨

見姓苑

選

見姓苑

殿

見姓苑

壽

音善見直音

鄧

見姓苑

眷

見姓苑

簡

音辨見直音

萬姓統譜卷一百二